

Naatsorsuutigaarput 2020-mi aktiatigut aammattaaq iluatsitsissalluta

Taamaattorli aningaasaliisartut naatsorsuutigissanngilaat 2019-imi iluanaarutit qaffasinnerat 2020-imi atuutissasoq, politikikkut aamma aningaasarsiornikkut nalilinnik pissutsit niuerfinni ajortissinnaammatigit. Ingammik USA ukioq manna pitsaasumik pitsaanngitsumillu annertuumik isummertitsisinnaapput.

Ukioq 2019 SISA-mut pitsaasuuvooq. Nunarsuaq tamakkerlugu aktiat 30 procentingajannik erniaqartitsipput danskit koruuniinut naatsorsorlugit tamatumunngalu ilutigitillugu obligationit aalajaatsumik erniaqartitsitsipput. Ataatsimut isiginnilluni ukioq qaangiuttoq aammattaaq aningaasaliisarfinni marlunni tamani ajunngitsumik erniatigut iluanaaruteqarfiuvoq. Taamaallitutik 2019-imi **Annertusiartortitsineq 18,52 %-imik** erniatigut iluanaaruteqarfiuvoq, kiisalu **Aalaakkaasoq 7,59 %-imik** erniatigut iluanaaruteqarfiulluni. Aningaasaliisarfinni marlunni tamani nunarsuarmi tamarmi aktianik niuernerup pitsaasumik ineriartornera iluaqutigivaat, marluullutik tamarmik 2019 tamakkerlugu aktiaateqarnerugamik.


Kvartalit sisamaanni niuerfiup ineriartornera

Kvartalit sisamaanni aktianik niuerfimmi qaffakkiartorneq malunnarsimavoq aamma erniat qaffakkiartornerat. Isumalluarnerulernerumut ilaatigut pissutaapput Kina aamma USA niuernerumut tunngatillugu isumaqatigiissuteqarnissap ilaa isumaqatigiinniutigimmassuk taamatullu no deal Brexit maannakkut pisinnaajunnaarluni. Tamakku saniatigut qitiusumik aningaaseriviit aningaasaqarnerumut politikki qasukkaqqippaat aamma kisitsisit najoqqutassat arlallit pitsaasumik isikkulinnik nalunaarput tamatumalu kingunerisaanik niuerfimmi aningaasaqarnermi niuernerup unikaallannissaanik ernumassuteqarneq annikillilluni. Taamaattorli suli qummut ingerlanerup killiffiani kingusissumiipput tamatumalu aningaasaqarnermi niuernerup unikaallannissaanik ernumassuteqarneq takkuteqqissinnaavoq, ingammik politikikkut nalorninartorsiorneq annertusissappat aamma kisitsisit najoqqutassat ajortippata.

Decembarip 2019 naanerani aktianik niuerfinni assigiinngitsuni erniatigut iluanaarutit erniartornerat



Decembarip 2019 naanerani obligationinik niuerfinni assigiinngitsuni erniatigut iluanaarutit erniartornerat



Pigisat naliliutit agguataarnerat ataatsimut isigalugu

Aningaasanik niuerfinni kvartalit sisamaanni aarlerissuteqarneq annikilliallappoq Kinap aamma USA-p akunnerminni niuernermi aaqqiagiinnginnerup annikillinera ilutigalugu – kisianni aammattaaq Brexit-imut tunngatillugu paasisaqarnerunerup malitsigisaanik. Taamaalillutik politikikkut nalorninartorsionerit annikilliartrornerat nalorninnginnerulernermet tapertaavoq kiisalu nunarsuaq tamakkerlugu aktianik niuerfinni aningaasaliisartut akornanni aarlerinaateqarsinnaasunut peqataarusunneq annertusivoq.

Obligationit qaffasittumik erniallit kvartalit sisamaanni erniaasa assigiinngissusiat annikitsumik imminnut qanilliallapput kvartalip pingajuannut sanilliuissilluni, tamanna ilaatigut pissuteqarpoq Kinap aamma USA-p niuernikkut aaqqiagiinnginnerannut atatillugu qanoq ingerlasoqarneranik paasinarsisoqarnera aammattaaq Brexit-imut tunngatillugu. Qaammatini aggersuni ilimagaarput USA-mi obligationit erniaasa assigiinngissusiat annikitsumik annertusiumaartoq, akerlianik Europami obligationit erniaasa assigiinngissusiat inissisimanermini uninngaannarnissaa ilimanarluni.


Kvartalit sisamaata aallartinnerani aktiat iluamik ingerlapput Kinap aamma USA-p akornanni niuernermi aaqqiagiinnginnerup ajunngitsumik ingerlariarnerata kingunerisaanik, tamanna aningaasaliisartut nalorninartoorsinnaanerusunut annertunerusumik aningaasaleerusulernerannut tapertaavoq. Naak ukiumi-ulloq-manna tikillugu aktiat nalinginit iluanaarutaasut annertugaluartut tamatuma kinguneraa aktiat akitsornerat, taamaattorli suli nalilerparput aktiat suli pilerinartuusut. Ilaatigut tamatumunnga pissutaavoq aningaasanut politikkerineqartut ukiup ingerlanerani qasunganerulersimanerat. Taamaattumik naatsorsuutigaarput qaammatit aggersut ingerlanerini aktiat suli aningaasanik nalilittut pigissallugit pilerinarnerussasut, aamma taamaattumik nalilerparput siunertaalluassasoq aktiat pigineqartut amerlanerunerat ingerlatiinnassallugu.

Aningaasaateqarfinni aktiat aamma obligationit agguataarnerat?

Aktiatigut iluanaaruteqarsinnaaneruneq takusinnaagatsigu maannakkorpiaq SISA-p aningaasaateqarfiini akiat amerlanerulaarput.


Maannakkorpiaq agguataarineq - Annertusiartortitsinermi

Aktivklasse	Ramme	Aktuelt
Aktier	58%-78%	68,6%
Denmark		15,2%
Global		2,5%
Europa		6,2%
USA		17,7%
Japan		2,2%
Emerging Markets		2,7%
Global Equity Solution		22,1%
Kreditobligationer	10%-23%	17,7%
Virksomhedsobligationer		7,3%
Nye Markeder Obligationer		5,7%
Senior Secured Bank Loans		4,8%
Obligationer	10%-50%	12,3%
Danske Obligationer		12,3%
Kontant	0%-23%	1,3%
Total		100,0%



Maannakkorpiaq agguataarineq - Aalaakkaasumi

Aktivklasse	Ramme	Aktuelt
Aktier	18%-28%	24,6%
Denmark		7,1%
Europa		1,4%
USA		4,3%
Global Equity Solution		11,7%
Kreditobligationer	10%-23%	18,8%
Virksomhedsobligationer		8,0%
Nye Markeder Obligationer		6,1%
Senior Secured Bank Loans		4,6%
Obligationer	55%-80%	55,6%
Danske Obligationer		55,6%
Kontant	0%-18%	1,0%
Total		100,0%



Naatsorsuutigaarput 2020-mi suli aktiatigut ingerlalluarnissarput

Taamaattorli naatsorsuutigissanngilarput 2019-imisut erniatigut iluanaarutit taamatut qaffasitsiginissaat. Politikikkut aamma aningaasaqarnikkut pissutsit aningaasanik nalilinnik niuerfinni misigisimaneq tamarmik ajortissinnaavaat, kiisalu USA ingammik ukioq manna ajunngitsumik aamma ajortumik imminut malugitikkumaarpoq.

Kingumut 2019-imi augustimut qiviarutta misigisimaneq ajorluinnaraluarpoq. USA-p aamma Kinap akornanni niuernikkut aaqqiagiinnginneq annertusivoq aamma nunarsuaq tamakkerlugu aningaasaqarnermi sanngiissutsimut ersiutit erseqqinnerulerput annilaangassutigineqalerporlu aningaasaqarnikkut kinguariartoqarnissaa qanilligaluttuinnartoq. Aktiat nalingi apparput. Kisianni tamatuma kingornatigut aningaasaliissuteqartartut malunnaatilimmik isumalluarnernerulerput. Politikikkut nalorninartut annikillipput USA-p aamma Kinap niuernermi aaqqiagiinnginnermik ilaani isumaqatigiissut isumaqatigiissutigimmassuk, kiisalu aningaasaqarnikkut kisitsisit najoqqutassat pitsaasut arlallit aammattaaq qitiusumit aningaasaateqarfinit erniat appasinnerit siunissamut isumalluartsinerulerput.

Ataatsimut isiginnilluni ineriartorneq ilimagisatsinnut tapertaavoq 2020-mi aktianik niuerfiit suli pissarsiaqarfiusinnaanerannik. Taamaattumik suli aningaasaateqarfitsinni aktianik amerlanerusunik pigisaqarpugut, tamatumalu kingunerisaanik obligationit ikinnerullutik, tassa piffissami ungasinnerusumi naatsorsuutigisatsinnit.

Siumukarneq suli isumalluarfissaavoq

Ataatsimut isiginnilluni aktianut iluaqutaavoq suli aningaasaqarnikkut siumukarnermiinnerput, USA ukiut qulit sinnerlugit taamatut inissisimasimavoq taamaattumillu sorsunnersuit aappaata kingornatigut sivisunerpaamik siumukartoqarluni.

Taamaattorli siumut ingerlanerup naggataata tungaaniippugut, ukiut annertusiartortitsinerpaaffiusut qaangerpagut kisianni naliliinerput naapertorlugu siumukarneq suli ingerlagallassaaq, aningaasaqarnermi appariartoqarnissaata tungaanut. Annertusiartortitsinerup paasinarsititsisut amerlanerit ukioq manna annertusiartortitsinerup pitsaanerulaarnissaanik tikkuussipput, 2019-imut naleqqiussilluni. Tamanna 2020-mi aktiat suli qaffakkiartornissaannut tunngavissiivoq, naak aningaasaliissuteqartartut 2019-imitut ittoqarnissaa naatsorsuutigisariaqanngilluinnaraluaat. Taamaattorli pingaaruteqarluinnarpoq qitiusumik aningaasaateqarfiit suli aningaasarsiornermut tapersersuinerat ukiuni aggersuni aningaasarsiornermi qajassuatumik aningaasaqarnermut politikeqarnermikkut.

Pissutsit 2020-mut aalajangiisussat

Tamakku saniatigut pingasunik allanik pissutissaqarpoq ingammik 2020-mi maluginiarneqartussaasut aamma aningaasarsiornermi niuerfiit nalerassaannik aalajangiisussat:

ANINGAASARSIORNERUP APPARIARTORNISSAANIK MALUGINIUTIT: Aningaasanik nalilinnik niuerfiit sanngiillissutigissavaat piffissap qaffakkiartorfiusup naajartorneranik takussutissanik ersiuteqartoqalerpat. Taamaattumik aningaasaqarniarnermi kisitsisit pingaarnerit annertuumik isiginiarneqassapput aamma aningaasarsiornerup appariartornissaanut ernumaleqqinnerup kingunerisinnaavaa malunnaateqarluatumik niuerfinni nikerartoqarnera aamma nalinik

NIUERNERMI POLITIKKI: USA-p aamma Kinap niuernerminni aaqqiagiinnginnerat qanoq ineriartussava aamma USA-p aamma Europap akornanni niuernermi politikki sakkortusissava? Amerikamiut aamma kineserit akornanni niuernermi aaqqiagiinnginneq nunarsuaq tamakkerlugu politikimi pissutsit ukiorpanni aatsaat taamak pisoqarmat aningaasarsiornermi niuerfinni pingaaruteqarnerpaavoq.

AMERIKAMI POLITIKKI: Naggataatigut ukioq manna USA-mi præsidentimik qinersinissaq sammisaassaaq annertoq. Kinamita demokratit qinigassanngortissavaat, pineqartoq politikikkut aamma aningaasaqarnikkut qanoq inissimava, kiisalu Donald Trump qinigaaqqissarnerpa, tassa naalackersuisunut qullersaasunut eqqartuussineq anigussaguniuk? Præsidentimit tullinnguuttussamik qinersineq aammattaaq USA-p aamma Kinap niuernerminni aaqqiagiinnginnerisa ingerlaqqinnissaanut aammattaaq sunniuteqartussaavoq.

Aktiat akisunerulissapput

Taamatutaaq pingaaruteqarpoq maluginiassallugu aktiat nalinginik aalajangiisarneq. 2019-imi annertuumik qaffattoqarnerata kingornatigut aktiat nalingisa aalajangerneqarnerat P/E atorlugu uuttuinermi akisuneruvoq, P/E tassaavoq ersiut aningaasaliisutut ingerlatsivinni isertitamut kronimut ataatsimut qanoq akiliisarnersoq.

Ullumikkut nalinik aalajangiinerup ukiumut siulianut naleqqiussilluni qaffasinnerusup maannakkut ingerlatsiviit naatsorsuutaanni pakatsinissaq annikinneruvoq, taamatutaaq niuerfik politikikkut aaamma nunarsuaq tamakkerlugu politikikkut pisoqarneranut qajannarnerussaaq, soorlu assersuutigalugu USA-p aamma Iranip aaqqiagiinnginnerisa annertusineranut. Taamaattorli tamatuma 2020-mi aktiatigut tulluurtumik iluanaaruteqarnissatsinnik ilimasunnerput allanngortinngilaa.